

ISUMAQATIGIISSUT

Perorsaanikkut tarnillu pissusiisigut siunnersuisarnerup (PPR) aamma meeqqat atuarfianni annertusisamik immikkut atuartitsinerup allakkullu immikkut perorsaanikkut ikiorsiisarnerup (annertusisamik immikkut atuartitsinerup) 1. januar 2012-imiit atuutilersumik kommuninut nuunneqarnissaat pillugu

Isumaqatigiissuteqartuupput:

Qaasuitsup Kommuniani, Qeqqata Kommuniani, Kommuneqarfik Sermeruumi aamma Kommune Kujallermi kommunalbestyrelsit sinnerlugit Kalaallit Nunaanni Kommunit Kattuffiat (KANUKOKA)

aamma

Namminersorlutik Oqartussat sinnerlugit Ilinniartitaanermut Ilisimatusarnermullu Naalakkersuisoq

1. Isumaqatigiissutip tunuliaqtaa

Perorsaanikkut tarnillu pissusaanik siunnersuisarnermik nuussineq

Kommunit aqqissuuteqqinnerinut Ataatsimiititaliap isumaliutissiissutaani Perorsaanikkut tarnillu pissusiisigut siunnersuineq (PPR) aamma immikkut atuartsineq allakkullu immikkut perorsaanikkut ikiorsiineq (annertusisamik immikkut atuartsineq) aqqissuueqqinnermut atatillugu kommuninut nuunneqassanersut aalajangiiffigineqanngineranni misissuiffigeqqaarneqartussatut eqqaaneqarput.

Malitsigisaanik KANUKOKA-mit aamma Kultureqarnermut, Ilinniartitaanermut, Ilisimatuarnermut Ilageeqarnermullu Naalakkersuisoqarfimmit peqataatitaqarfiusumik suleqatigiissitaliortoqarpoq, taannalu inerniliivoq pineqartut marluusut tamarmik iluaqutissarsiffiusumik kommuninut nuunneqarsinnaasut, taamanilu kommuniusimasut ilaasa siunnersuisarfeqarneq annertusisamillu immikkut atuartsineq isumagilereersimallugit.

Kommunit PPR-imik isumaginninnissaat, meeqqat atuarfiat pillugu peqqussutip § 38, imm. 1-iannut naleqqiullugu, aamma § 33, imm. 1, normu 1-imut naleqqiullugu, tassunga ilaalluni immikkut atuartsinerup § 14, imm. 1-imut naleqqiullugu kommunit atuarfeqarfimmut akissusaasuunerannut attuumaqqinnaartutut isigineqassaaq. PPR-i nalinginnaasumik atuartsinerup atuartunullu ataasiakkaanut immikkut atuartsinerup aallartitsinerup sullissinikkut ataqatigiiffiuvoq. Taassuma saniatigut perorsaanikkut-tarnillu pissusaatigut siunnersuisarfiit pingaartutut suliasaraat atuarfiit immikkut atuartsinerup pitsaassusaanik sunniutaanillu qaffasaaniarneri siunertaralu siunnersuinissaq.

Akilerartarneq Atugarissaarnerlu pillugit Ataatsimiititaliap innersuussutai tunngavigalugit kiisalu Meeqqanut Inuusuttunullu periusissiaq aallaavigalu meeqqanut siusissukku iliuuseqartarneq annertusarneqarlunilu pitsanngorsarneqassaaq. Taamaammat PPR-imik nuussinissamut atatillugu pissusissamisoortutut isigineqarpoq PPR-p atuuffia meeqqanut inuusuttunullu atuartaasussaanerup avataaniittut aamma tunngatilissallugu, tassa imaappoq meeqqanut inuusuttunullu 0-imiit 18-inut ukiulinnut tamanut.

Immikkut annertusisamik allakkullu immikkut perorsaanikkut ikiorsiisarnermik nuussineq

Meeqqat atuarfiat pillugu peqqussummi § 14 naapertorlugu § 33, imm. 1, normu 1-imullu sannilliullugu kommunit pissusaapput immikkut atuartsineq allakkullu perorsaanikkut ikiorsiisarneq Naalakkersuisut maleruagassaliaat naapertorlugit isumagissallugu.

Meeqqat atuarfianni immikkut atuartsinerup aamma perorsaanikkut immikkut ikiorsiisarnermut maleruagassat atuuttut Meeqqat atuarfianni immikkut ittumik atuartsisarneq aammalu allamik immikkut perorsaanikkut ikiorsiisarneq pillugu Namminersomerullutik Oqartussat nalunaarutaanni nr. 22, 23. juli 1998-imeersumi aalajangersagaapput. Nalunaarummi nalinginnaasumik immikkut atuartsineq aamma annertusisamik immikkut atuartsineq immikkoortinneqarput. Nalunaarutip § 10-ani ersippoq immikkut atuartsinerup nalunaaruttap

akunneri atorneqartussat aaqqissuusseriaasissallu atuarfiup pisortaata innersuussuteqarnera aallaavigalugu Kultureqarnermut, Ilinniartitaanermut Ilageeqarnermullu Pisortaqarfiup (maanna Ilinniartitaanermut Ilisimatusarnermullu Naalakkersuisoqarfiup) ukiukkaartumik siunnersuisarfiit ataasiakkaarlugit akuersissutigissassagai. Tamassuma kingunerisaanik manna tikillugu Aningaasanut inatsimmi, Konto pingaarnermi 40.10.13-imi Annertusisamik immikkut atuartitsinermi Ilinniartitaanermut Ilisimatusarnermullu Naalakkersuisoqarfiup akisussaaffigisaanik immikkut aningaasaliissuteqartoqartarsimavoq.

Perorsaanikkut – Tarnillu pissusaasigut Siunnersuisarnerup annertusisamillu immikkut atuartitsinerup ataqatigiilluinnarnerat pissutigalugu pissusissamisoorutut isigineqarpoq kommunit ilutigitiillugu annertusisamik immikkut atuartitsinerup aningaasaqarnikkut akisussaaffik tigussagaat.

2. Atugassarititaasut tunngavigisallu

2.1 Aningaasaqarneq nalinginnaasumillu atugassarititaasut tunngavigissallu

Kommunit 1. januar 2012-imiit atuutilersumik Perorsaanikkut Tarnillu pissusiisigut Siunnersuisarfiit aamma meeqqat atuarfianni immikkut atuartitsineq allatigullu immikkut perorsaanikkut ikiorsiisarnerit pillugit akisussaaneq tigussavaat. Ulloq taanna atuutilersumik PPR-t suliassaarfii meeqqanut inuusuttunullu atuartitaasussaataasut avataanniittunut tamanut, imaappoq meeqqanut inuusuttunullu 0-imiit 18-inut ukiulinnut annertusineqassapput.

PPR-ip matuma kingorna ukioqatigiinnut pineqartunut suliassai pingaarnertit tassaalerput:

- Toqqaannartumik akulerunnikkut iliuuseqarnerit (misissuinerit, oqaloqateqarnerit, ilinniartitsinerit)
- Toqqaannanngitsumik iliuuseqarnerit (siunnersuineq ilitsersuinerlu)
- Pitsaaliuineq (suleqatigiisitat, suliat akimorlugit suleqatigiit, aalajangersimasumillu qulequtserluni suliagarnerit)

Taakkununga tunngasutigut susassaqtunik allanik suleqateqarnikkut suliassat tassaapput:

- Meeqqanik ajornartorsiutillinnik naliliinerit (eqqarsartaatsikkut, oqaatsitigut, timip aalaasaatigut, maluginiutitigut, inooqatigiinnikkut, misigissutsikkut)
- Angajoqqaanik sullissisunillu siunnersuinerit ilitsersuinerillu tassunga ilaallutik perorsaaasut, angerlarsimaffinni meeqqanik paarsisartut ilinniartitsisullu
- Annertusisamik immikkut atuartitsinermik ataqatigiissaarineq
- Meeqqanik, inuusuttunik angajoqqaanillu oqaloqatiginninnerit
- Oqaloqatiginnittarnerit sivikitsut
- Meeqqanik misissuineq
- Sullissisunut innersuuteqarnerit
- Sulineq pillugu allakkatigut nalunaarusiornerit
- Sullissisunik ilitsersuinerit

Illuatungeriit isumaqatigiissutigaaat kommunit PPR-imut annertusisamillu immikkut atuartitsinerup akisussaaffimmik tiguserata kingunerissagaa Meeqqat atuarfianni immikkut ittumik atuartitsisarneq aammalu allamik immikkut perorsaanikkut ikiorsiisarneq pillugu Namminer-

somerullutik Oqartussat nalunaarutaat nr. 22, 23. juli 1998-imeersoq aallaavigalugu paasineqassasoq. Ilutigitillugu illuatungeriit isumaqatigiipput tigusinermut atatillugu nalunaarut taaneqartoq kiisalu Meeqqanut suli atualingitsunut perorsaanikkut inerikkiartuutaasunik ulluunerani neqerooruteqartarnej pillugu Inatsisartut peqqussutaat nr. 10, 5. december 2008-meersoq piaarnerpaamik nutarterneqassasut.

Isumaqatigiissut piviusunngortinneqassaaq kontomi pingaarnermi 40.01.04-mi, Siunnersuisarfik PPR aamma Meeqqat atuarfianni annertusisamik immikkut atuartitsinermut kontomi 40.10.13-imi aningaasaliissutaasut iluini taakkunanilu aningaasaliissutit kommuninut nuunneqassapput kommuninut ataatsimoortumik tapiissutit qaffanneratigut. Ilanngussaq 1. – imi tapiissutit annertussusissaannut agguariaasissaq ersippoq.

Nuussinissamut atatillugu 2011-mi upernaakkut Perorsaanikkut Tarnillu pissusiinik Siunnersuisarfiit tamarmik aamma Ilinniartitaanermut Ilisimatusarnermullu Naalackersuisoqarfiup, Inerisaaviup kommunillu akornanni ataatsimoorluni ataatsimiinnermik ingerlatsisoqarsimavoq, tassuunakkut ikaarsaariarnissaq pitsaanerpaaq ataatsimoorluni qularnaarniarneqarluni. Perorsaanikkut – tarnillu pissusiinik Siunnersuisarfeqarfiit sussasaqartullu allat isumaqatigiissutigaaq nuussinermi siunertarineqartut qanimut attaveqatigiinnikkut suleqatigiinnikkullu piviusunngortinnissaat.

2.2. Sulisoqarnermut tunngasut

Nuussinermi atorfinitsitsinnaanermut oqartussaaffik Namminersorlutik Oqartussaniit kommuninut ataasiakkaanut nuunneqassaaq. Sulisut atorfeqartitat allassimaffiat ilanngussaq 2-mi ersippoq. Akissarsianut aningaasaliissutit kommuninut ataatsimoortumik tapit ilassutaattut nuunneqassapput.

Perorsaanikkut tarnillu pissusiisigut siunnersuineri sulisorisat pikkorissartinneqarlutillu iliniaqqittarneri Ilinniarnermik ilisimatusarfimmit isumagineqassapput, konto pingaarnep 40.92.13 Ilimmarfik ataani.

2.3. Naliliineq.

Illuatungeriit isumaqatigiissutigaaq suliassaqarfimmik nuussineq kingusinnerpaamik 2014 naattinnagu nalilersorneqassasoq.

Isumaqatigiissuteqarnermi piumasagaat.

Isumaqatigiissut atuuttuulissaaq Inatsisartut Aningaasaqarnermut Ataatsimiititaliaata aningaasaliissutinut tunngasunik akuersinissaa apeqquaatillugu.

Nuuk, 29/12-2011

Namminersorlutik Oqartussat sinnerlugit:

Palle Christiansen

Palle Christiansen

**Ilinniartitaanermut Ilisimatusar-
nermullu Naalakkersuisoq**

Nuuk, 29/12 2011
Kommunit sinnerlugit

Martha Abelsen

Martha Abelsen

**Kalaallit Nunaanni Kommuneqarfiit
Kattuffianni siulittaasoq**

Ilanngussat ataani allassimasut isumaqatigiisummut ilaapput:

Ilanngussaq 1: Kommunit Siunnersuisarfinnik annertusisamillu immikkut atuartitsinermik tigusineranni aningaasat agguaannissaannut najoqqutassaq.

Ilanngussaq 2: Siunnersuisarfinni (PPR) sulisut atorfeqartut takussutissiarinerat

Ilanngussaq 1

Kommunit Siunnersuisarfinnik annertusisamillu immikkut atuartitsinermik tigusineralanni aningaasat agguaannissaannut najoqqutassaq

PPR 2012 40.01.04		% (AI 2011)	AIA (VSP) 2012 40.10.13
Sulisunut aningaasartuu	9972	66,7	
Allat	4979	33,3	
Aningaasaliissutit	14.951	100,0	54.142

PPR	Agguaaneq	%
Kommune Kujalleq	2108091	14,1
Kommuneqarfik Sermersooq	5068389	33,9
Qeqqata Kommunia	2556621	17,1
Qaasuitsup Kommunia	5217899	34,9
Katinneri	14.951.000	100

AIA (VSP)	Agguaaneq	%
Kommune Kujalleq	6118046	11,3
Kommuneqarfik Sermersooq	23064492	42,6
Qeqqata Kommunia	9853844	18,2
Qaasuitsup Kommunia	15105618	27,9
Katinneri	54.142.000	100

PPR aamma AIA (VSP)		%
Kommune Kujalleq	8226137	11,9
Kommuneqarfik Sermersooq	28132881	40,7
Qeqqata Kommunia	12410465	18,0
Qaasuitsup Kommunia	20323517	29,4
Katinneri	69093000	100,0

Ilanngussaq 2.

Siunnersuisarfinni (PPR) sulisut atorfeqartut takussutissiarinerat

PPR – Avannaa:

- Helene Dorph (Allaffimmi fuldmægtigi)
- Arnarulúnguak Pedersen (Immikkut atuartitsinermut siunnersorti)
- Niels Vinther-Larsen (Immikkut atuartitsinermut siunnersorti)
- Janne Johansen (Tarnip pissusaanik ilinniagalik)
- Signe Højen Andersen (Pisortaq tarnip pissusaanik ilinniagalik)

PPR – Kujataa:

- Malina Nørskov (Allaffimmi fuldmægtigi)
- (Susan Hornbøll, tarnip pissusaanik ilinniagalittut namminersortutut PPR-Kujataa nalunaaquttap akunnikkaartumik isumaqatigiissuteqarnikkut 2011-mi ikiortarpaa.)